

## К ОПУБЛИКОВАНИЮ

### КОМИ РЕСПУБЛИКАСА ВЕСЬКӖДЛАН КОТЫРЛӖН

#### ШУӖМ

#### Обсерваторьяслысь удж котыртӖм йылысь

Выль коронавирус инфекция (COVID-19) паськалӧмысь ӧлӧдӧм да олысьясӧс санитарно-эпидемиология боксянь бур олӧмӧн могмӧдӧм могысь “Россия Федерацияса субъектьяслӧн оланпас пыртысь (бӧрйӧм) да олӧмӧ пӧртысь канму власьт органьяс котыртан ӧтувья принципьяс йылысь” Федеральнӧй оланпас, “Вӧр-ва да техногеннӧй сяма неминучаясысь Коми Республикаса олысьясӧс да мутасьяс видзӧм йылысь” Федеральнӧй оланпас, “COVID-2019 паськалӧмсӧ ӧлӧдӧм могысь содтӧд мераяс йылысь” Россия Федерацияса юралысь канму санитарнӧй врачлӧн 2020 во рака тӧлысь 30 лунся 9 №-а шуӧм, “Содтӧд дасьлун режим пыртӧм йылысь” Коми Республикаса Юралысьлӧн 2020 во рака тӧлысь 15 лунся 16 №-а Индӧд серти Коми Республикаса Веськӧдлан котыр шуис:

1. Коми Республикаса йӧзлысь дзоньвидзалун видзан министерстволы:

1) примитны Коми Республика мутасын обсерваторьяс котыртӧм да найӧс уджӧдӧм, а сіджӧ налӧн уджӧн веськӧдлӧм йылысь помшуӧмьяс;

2) обсерваторьяслысь уджсӧ котыртны Ньӧбасьясыслысь инӧдьяс да мортлысь бур олӧм дорьян юкӧнын Федеральнӧй дӧзьӧр службалысь обсерваторлысь удж котыртӧм серти вӧзйӧмьяссӧ тӧд вылӧ босьтӧмӧн гражданагы, кодьяс воисны регионьясысь, кӧні ӧна висӧны COVID-2019-ӧн.

2. Коми Республикаса олӧмӧ пӧртысь власьт органьяслы, кодьяс веськӧдлӧны лӧсялана удж юкӧнын, пӧртны олӧмӧ обсерваторьяс лӧсьӧдӧм серти Коми Республикаса йӧзлысь дзоньвидзалун видзан министерстволысь помшуӧмьяссӧ.

3. Коми Республикаса йӧзлысь дзоньвидзалун видзан

министерстволы Коми Республикаса сьом овмӧс министерствокӧд сӧгласуйтӧмӧн урчитны обсерваторьяс удждӧдӧм вылӧ колана рӧскод лыддьӧг да нормативьяс.

4. Обсерваторлысь уджсӧ финансӧвӧя могмӧдӧ Коми Республикаса олӧмӧ пӧртысь власьт оран, кодӧ збыльмӧдӧ Коми Республикаса канму учреждение учредитысьлысь могьяс да уджмогьяс, кодлӧн подув вылын лӧсьӧдӧма обсерваторсӧ, Коми Республикаса республиканскӧй сьомкуд сьом тшӧт весьтӧ да индӧм могьяс вылӧ урчитӧм мындаын.

5. Вӧзйыны Ньӧбасьысьяслысь инӧдьяс да мортлысь бур олӧм дорьян юкӧнын Федеральнӧй дӧзьӧр службаса Коми Республикаын веськӧдланӧнлы котыртны обсерваторьяслӧн удж бӧрся контроль.

6. Вӧзйыны Коми Республикаын пытшкӧс делӧяс министерстволы сетны колана отсӧг обсерваторьяс сутки чӧж дӧзьӧритӧм вылӧ.

7. Тайӧ шуӧмыс вынсялӧ сӧйӧс примитан лунсянь.

Коми Республикаса Веськӧдлан котырӧн

Юрнуӧдысьӧс вежысь –

Коми Республикаса сьом овмӧс министр

Г. Рубцова

Сыктывкар

2020 вося косму тӧлысь 10 лун

162 №

**Пас лыд – 2359**

**Королева**